

<https://news.usm.my>

Berita Mutakhir

## 20 AUG PENGACARAAN MAJLIS PERLU BAKAT DAN MINAT MENDALAM - SYAHDAD NAQUIYUDDIN

USM, PULAU PINANG, Ogos 2016 - Pengacaraan majlis adalah tugas yang mencabar dan memerlukan kekuatan mental, keberanian dan semangat yang kental dalam melakukannya untuk membuatkan penonton selesa dan terhibur.

Dilahirkan di Kota Samarahan Sarawak, Muhammad Syahdad Naquiyuddin Hadi Bin Suhardi, 21, pelajar Universiti Sains Malaysia (USM) jurusan Ilmu Pendidikan mempunyai minat yang mendalam sebagai pengacara.

Minatnya menjadi pengacara bermula apabila melihat ibunya menjadi pengacara majlis di sebuah sekolah ketika dia bersekolah dan menjadi salah satu perkara yang sehati dalam dirinya.



"Saya mula menjadi pengacara majlis sejak dari bangku sekolah rendah hinggalah ke hari ini dan antara memori yang teruja dan tidak boleh saja lupakan adalah menjadi pengacara majlis ketika peringkat sekolah menengah dengan tetamu kehormatannya adalah seorang Menteri," jelasnya.

Keterujaannya melonjak apabila menyambung pengajiannya di USM dan pada minggu pertama di sini semasa minggu orientasi, diminta menjadi pengacara majlis untuk program kebangsaan iaitu IM4U di Balik Pulau, Pulau Pinang.

Minat dan bakatnya dalam pengacaraan majlis berkembang di USM dan mula berjinak-jinak dengan Akademi Pengacaraan Malaysia yang diperkenalkan kepadanya oleh sahabatnya yang merupakan seorang pengacara majlis.



Dia menjadi satu-satunya pelajar USM yang menjadi ahli Akademi Pengacaraan Malaysia dan menjadi ahli kedua termuda kohort 9 akademi.

Teks: Hafiz Meah Ghouse Meah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015